

Xitatimente xa Vuhangalasamahungu mayelana na ntekelo wa tinhundzu wa Roy Muleya

29 Nhlangua 2025 – Vukorhokeri bya Xibalo bya Afrika-Dzonga (SARS) byi amukela ahlulo lowu nyikiweke hi ti 29 Nhlangua 2025 hi Khotokulu ya Afrika-Dzonga, Gauteng N'walungu (kheyisi ya nomboro 48495/2020). Xiboho lexi xo tile hikwalaho ka xikombelo lexi tisiweke hi SARS mayelana na ntekelo wa tinhundzu ta Ttn Roy Muleya.

Ttn Muleya u kumekile ku va a ri un'we wa vatlanginkulu eka xikimi lexi ngheneleleke eka ntundzo wa fole hi tienthithi leti nga riki na mihlanganiso leyi nga rivaleni eka vatumbuluxi va tisigarete lava tsarisiweke.

Ttn Muleya u nyikiwile xivutiso xa xiyenge xa 103 hi ku ya hi Nawu wa Khasitomo na Ekisayizi mayelana na khaphani na xikweleti lexi fikelelaka eka $\pm R155$ million. Hi yena mulawuriyexe wa khaphani.

SARS yi endlile xikombelo xa ntekelo wa tinhundzu ehenhla ka Ttn Muleya hi ku ya hi xiyenge xa 177 xa Nawu wa Vulawuri bya Xibalo enkarhini wa Ndzati 2021.

Xikombelo xi twiwile hi ti 24 Mudyaxihi 2023, ahlulo wu humesiwile hi ti 29 October 2025, lexi nyikaka ntekelo wa tinhundzu wa nkarhinyana wa Ttn Muleya.

Tindhawu leti to humelela eka qhinga ro kongoma ri tekiwile hi SARS ku tirhana kahle na lava nga hlawula ku tirhela ehandle ka nawu. SARS yi tshama yi nyika nhlamuselo na tshembo eka vahakelaxibalo leswaku va tiva leswaku swiboho swa vona swa xinawu hi swihi? Leswi swi heleketiwile hi ku nyika tipulatifomo ta dijitali, leti endlaka ku fikelela ka swiboho swa vona swi olova. Laha vahakelaxibalo va hlawulaka ku honisa swiboho swa vona hi vomu hi ku tirha ehandle ka nawu, SARS yi ta endla swi tika no durha. Matshalatshala lama hinkwawo ma tekiwile ku hlayisa ndhavuko wa vulandzelelanawu hi ntsakelo. Leswi i ku tiyisisa leswaku vahakelaxibalo hinkwavo va fikelela swiboho swa vona hi ndlela yo ringana, handle ko tikisela vahakelaxibalo lava landzelerisaka hi ndhwalo wa nkandzingano wo hakela swibalo.

Ku angula eka mhaka, Khomixinara wa SARS Edward Kieswetter, u te:

"SARS yi ta tirha yi nga wisi hi ndlela ya xinawu na lava nga xiximeki nawu hi ku lava ku wu papalata. Afrika-Dzonga ri vonile engetelo wa xihatla wa fole na tisigarete leswi nga riki enawini, na xiendlo xa Ttn Muleya xi engetela ntsena tlhonthlo lowu. Ku tisa tisigarete swi nga ri enawini etikweni swi xungeta rihanyu ra vadzahi no nyaja nkwama wa tiko hi ku khomelela mixakaxibalo ya ekisayizi. SARS yi ta ya emahlweni yi tirha hi ndlela ya nawu no tirha ku ya hi xiboho ehenhla ka lava lavaka ku papalata kumbe ku honisa vutihlamuleri bya vona bya xibalo. Hungu leri hi lavaka ku ri vula hi leswaku hambi swi nga leha ku fikela kwihi, SARS yi nge landzuli vutihlamuleri bya yona ku

sindzisa nawu. Hi ta endla tani hi ndlela ya vutihamuleri naswona hi ku pfumala ringhohe, nchavo kumbe ntsakelo. Hikuva hinkwenu ha ringana emahlweni ka nawu".

Khomixinara u tlhele a kombela eka vadzahi "Lokohiletlhelo ku ri xiboho xa wena xo dzaha, ndzi lava ku ku letela ku alela ndzingo wo seketela humeleriso na nxaviso wa swihumelerisiwa wa swa fole leswi nga riki enawini. Eku endleni tano, u tihlanganisa eka ntlawa wa swa vugevenga u nga swi xiyanga " u hetisile.

Mayelana na angulo wihi na wihi hi xitalo, u komberiwa ku tihlanganisa na SARSMedia@sars.gov.za.